

Državna regulatorna agencija za radijacijsku i nuklearnu sigurnost, sa sjedištem u ulici Hamdije Čemerlića br 2: 71 000 Sarajevo, ID broj: 4201357350000 (u daljem tekstu Kupac) koga zastupa i predstavlja Direktor Agencije Emir Dizdarević

i

Zavod za javno zdravstvo Federacije BiH, sa sjedištem u ulici Maršala Tita broj 9, Centar Sarajevo, ID broj: 4200735860007 (u daljem tekstu Dobavljač) koga zastupa i predstavlja direktor Prim. dr. Davor Pehar.

Na osnovu Odluke broj: 04-16-15-962/16 ugovorne strane na dan 10.10.2016. godine zaključuju :

UGOVOR

o nabavci usluga monitoring radioaktivnosti životne sredine za 2016. godinu

Član 1.

Ovim Ugovorom, ugovorne strane su se sporazumjele da će Dobavljač, tokom cijelog ugovorenog perioda vršiti sukcesivnu isporuku usluga mjerenja koje su navede u Prilogu 1. tenderske dokumentacije za potrebe Kupca. Ugovor se zaključuje na osnovu provedenog postupka javne nabavke objavljenog na portalu javnih nabavki broj:1321-1-2-6-3-2/16 od 18.08. 2016. godine.

Sastavni dio ovog Ugovora je prihvaćena Ponuda Dobavljača broj: S-10-01-02-9.2-779-5/16 od 31.08.2016. godine, sačinjena prema Specifikaciji iz tenderske dokumentacije.

Član 2.

Ugovor se zaključuje po okončanom postupku javne nabavke potpisivanjem ugovornih strana, a primjenjuje se od datum potpisivanja Ugovora do 31.03.2017. godine.

Ugovor se primjenjuje za pojedinačnu i sukcesivnu isporuku usluga po zahtjevu Naručioca vezano za orijentacione količine iz specifikacija.

Ukupna vrijednost Ugovora ne može biti veća od 70.000,00 KM sa uračunatim PDV-om.

Član 3.

Na osnovu ovog Ugovora, ugovorne strane za nabavku usluga zaključiti će Ugovor o međusobnim pravima i obavezama za dati LOT/ove radi realizacije Ugovora do iznosa i perioda definisanih članom 2. ovog Ugovora.

Isporuka usluga će se vršiti sukcesivno započevši najkasnije 5 dana nakon potpisivanja ugovora, i prema dinamici koja je utvrđena tenderskom dokumentacijom a najkasnije sa 31.12.2016. godine, odnosno uzimanje uzoraka prema tabeli iz Priloga 1. Tenderske dokumentacije treba da bude izvršeno najkasnije do 31.12.2016. godine a dostavljanje izvještaja izradjen u skladu sa članom 12. Pravilnika o monitoringu radioaktivnosti u okolišu („Službeni glasnik BiH“ broj 54/14) do 15.03.2017. godine.

U slučaju kašnjenja isporuka usluga do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorne vrijednosti usluga koja je predmet nabavke.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti predvidjeti.

Član 4.

Izvršilac se obavezuje da će uslugu koja je predmet ovog Ugovora isporučivati Naručiocu u skladu sa specifikacijom:

- pojedinačnim ugovorima ili izdatoj narudžbenici od strane Ugovornog organa (izdata po predračunu po specifikaciji za LOT 1, LOT 2 i LOT 3, iz Ponude broj S-10-01-02-9.2-779-5/16 od 31.08.2016
- koja se može smatrati pojedinačnim ugovorom
- uslovima iz tenderske dokumentacije i
- uslovima iz prihvaćene ponude.

Član 5.

Za sve što nije regulisano ovim Ugovorom ili pojedinačnim ugovorom sklopljenim na osnovu ovog Ugovora primjenjivat će se odgovarajuće odredbe važećeg Zakona o obligacionim odnosima.

Član 6.

Dobavljač se obavezuje da će redovno vršiti isporuku predmetnih usluga u ugovorenom periodu kako je predviđeno tenderom, u skladu sa potrebama i narudžbama Kupca. Kupac je svrstan u „prioritete“ u pogledu isporuke usluga neovisno o situaciji na tržištu.

Član 7.

Osnov za plaćanje ispručenih usluga jesu fakture/računi koje Dobavljač dostavlja ugovornom organu za uredno isporučene usluge, a na osnovu otpremnih dokumenata (radnih naloga) koji su potpisani od strane ovlaštenog lica Kupca koji je vršio kontrolu nad uradjenim mjerenjima. Plaćanje na ime isporučenih roba Kupac je dužan vršiti putem JRT Bosne i Hercegovine i to na žiro račun Dobavljača broj: Jedinstveni račun Trezor-ZZJZFBiH broj: 1020500000106698, kod UNION BANK d.d., Budžetska organizacija 2002001, Vrsta prihoda: 722612, Šifra općine: 077, i to u roku od 5 dana od datuma ispostavljanja fakture.

Član 8.

Svi uslovi iz tenderske dokumentacije broj: 04-16-15-962-4/16 od 18.08.2016. godine čine sastavni dio Ugovora. Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 9.

Svaka od ugovornih strana može otkazati ovaj Ugovor, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.

Dobavljač:
ZAVOD ZA JAVNO ZDRAVSTVO FEDERACIJE BiH

Direktor:


Prim. dr. Davor Pehar

Broj: S-10-01-01-10-91/8-9-11-6-7-19-8/16

Datum: 20. 10. 2016.

Kupac:
DRŽAVNA REGULATORNA AGENCIJA ZA
RADIJACIJSKU I NUKLEARNU SIGURNOST

Direktor:


Emir Dizdarević

Broj: 04-16-15-962/16

Datum: 10.10.2016.

